

**PKR tuntutan audit penuh akaun NFC**  
**The Malaysian Insider**  
**14 Januari , 2012**  
**Oleh Yow Hong Chieh**

ALOR SETAR, 14 Jan — PKR mengalu-alukan tindakan Putrajaya membekukan aset milik Pusat Fidlot Nasional (NFC) namun menegaskan pentadbiran kerajaan seharusnya menjalankan audit penuh terhadap syarikat berkenaan.

Pengarah Strategik PKR, Rafizi Ramli (gambar), berkata ini kerana membekukan aset sahaja tidak memungkinkan rakyat mengetahui dengan lebih mendalam penyalahgunaan dana projek ternakan lembu tersebut.

“Kami tetap menuntut kerajaan menjalankan audit penuh terhadap akaun NFC,” katanya kepada The Malaysian Insider ketika Konvensyen Pakatan Rakyat di sini.

Perdana Menteri Datuk Seri Najib Razak hari ini mengumumkan aset NFC akan dibekukan buat sementara waktu, menurut Bernama Online.

Najib yang dalam lawatan ke Perak turut berkata, dengan keputusan tersebut, perjalanan projek tersebut akan diawasi oleh Timbalan Perdana Menteri Tan Sri Muhyiddin Yassin dan Menteri Pertanian dan Industri Asas Tani Datuk Seri Noh Omar.

The Malaysian Insider  
Hakcipta © 2012 The Malaysian Insider  
Source: <http://www.themalaysianinsider.com/bahasa/article/pkr-tuntut-audit-penuh-akaun-nfc/>